

SELECTED SAYINGS OF
THE HOLY PROPHET OF ISLAM
(DOGRI)

Published by
ISLAM INTERNATIONAL PUBLICATIONS LTD.

हज़रत मुहम्मद (स) हुन्दे चोनमें उपदेश

SELECTED SAYINGS OF
THE HOLY PROPHET OF ISLAM
(DOGRI)



Published by

ISLAM INTERNATIONAL PUBLICATIONS LTD.
Islamabad, Sheephatch Lane, Tilford, Surrey, GU10 2AQ, U.K.

Ahmadiyya Muslim Mission
Kucha Samander Khan
H. No. 242, Jammu - 180001

© 1988 Islam International Publications Limited.

ISBN 1 85372 103 4

नज़ारत दावत - व - तबलीग़
कादियाँ

Printed by
RAQEEM PRESS
Sheephatch Lane, Tilford, Surrey GU10 2AQ U. K.

विश्वव्यापी अहमदिया जमात दे
पैहले शताब्दी समारोह
दी
खुशी बिच



अल्लाह दी तौहीद दे प्रकाशन ते उसदे हिरखं दे अपराधं च
दण्ड भोगने आले ते अल्लाह दे रस्ते च बलि देने आले
बलाली आत्मा दे पैकर अहमदी मुसलमाने
पासेआ इक सतकार-जोग ते पवित्तर भेंट ।

ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਜੀ
ਪ੍ਰਸਿਦ੍ਧ ਹਿਸਾਬ ਤੇ
ਸ੍ਰੀ ਗੁਰੂ

ਸ੍ਰੀ ਗੁਰੂ ਗ੍ਰੰਥ ਸਾਹਿਬ ਜੀ ਦੇ ਅਰਥਾਂ ਦੇ ਵਿਸਥਾਰ ਤੇ ਅਧਿਐਸ਼
ਪ੍ਰਸਿਦ੍ਧ ਹਿਸਾਬ ਤੇ ਸ੍ਰੀ ਗੁਰੂ
ਪ੍ਰਸਿਦ੍ਧ ਹਿਸਾਬ ਤੇ ਸ੍ਰੀ ਗੁਰੂ
ਪ੍ਰਸਿਦ੍ਧ ਹਿਸਾਬ ਤੇ ਸ੍ਰੀ ਗੁਰੂ

व्यौरा

सं०	सिरलेख	सफा
1.	भूमिका	1 कोला 5
2.	नीत ते कर्म	6
3.	अल्लाह दी शान	7
4.	अल्लाह इक ऐ	7 ते 8
5.	अल्लाह दी चर्चा	8 ते 9
6.	अल्लाह कग्ने हिरख	10 ते 1
7.	पवित्र कुरान	12
8.	हजरत मुहम्मद मुस्तफा सल्लल्ले अलैहि वसल्लेम दा चरित्र	12 कोला 14
9.	इस्लाम दिया नी'आं	14
10.	पूजा दा ढंग	15 ते 16
11.	रोज़ा (बर्त)	17
12.	हज्ज	18
13.	ज़कात—अल्लाह दी राह च खरच करना	18 कोला 20
14.	नेकी दा हुकम ते बुराई थमां रोकना	20 ते 21
15.	लोकें गो अल्लाह पास सद्ना	21
16.	फर्ज ते मनाहियां	21 ते 22
17.	व्याह	22 ते 23

(क)

18.	नैतिकता	23 कोला 25
19.	इस्लामी समाज	25 ते 26
20.	मानु दे अधिकार	26
21.	माता-पिता कन्ने चंगा सलूक	27
22.	गुआंडी दे अधिकार	27 ते 28
23.	कमजोर लोकें ने हमदर्दी	28
24.	क्षमाशीलता	29
25.	खाने-पीने दे निजम	29
26.	टल्ले	30
27.	शरीर दी पबिस्तरता	30
28.	छल-कपट ते ईर्ष्या	31
29.	घमंड	31
30.	झूठ बोलना	32
31.	इसलाम दा पतन	32 ते 33
32.	ईमाम मेहदी दा प्रकट होना	33 कोला 35
33.	हज्जतुलविदा दा व्याख्यान	36 ते 37

भूमिका

इस्लाम इक महान धर्म ऐ। इस्लाम दी महानता दा सारें थमां बड्डा राज पवित्तर कुरान मजीद दी सबूरी शिक्षायें च दित्ता गेदा ऐ। इस्लाम दे संस्थापक हजरत मुहम्मद मुस्तफा सल्लल्लहू अलैहि वसल्लम होरें इस्लाम दी शिक्षायें गी पूरी चाल्ती अपनाया ते उन्दे पर आपू चलिए साढ़े सामने इक सरोखड़ नमूना रक्खेआ। हजरत मुहम्मद मुस्तफा सल्लल्लहू अलैहि वसल्लम हुन्दी शिक्षा ते ओदे अनुसार तुन्दे सराहनेजोग कम्में तुन्दे सहाबा¹ पर नेई मिटने आला प्रभाव पाया। तुन्दा सुर्गवास होई जाने परैत तुन्दी धर्मपत्ति हजरत आइशा थमां तुन्दे जीवन बारें पुच्छे जाने पर उने ए परता दित्ता —

“काना ख़ुलुक़्हुल् कुर्थनो”

अर्थात्—तुन्दा जीवन कुरान मजीद दा सरूप हा। तुन्दे आखने च ते अल्लाह दी वाणी च कोई बरदेघ ते बक्खरापन नेहा। तुन्दे पर अल्लाह पास्सेआ जेह्ड़ी वाणी उतरदी ही ओह पवित्तर ही। ओदे च तुन्दी अपनी इच्छेआ दा कोई दखल नेहा। पवित्तर कुरान मजीद इसदी पुष्टि इनें शब्दे च करदा ऐ—

वमा यतिको अनिल्हवा इन् होवा

इत्ला वह्युन यूहा” (अल् नज्म रूकू 1)

1. ‘सहाबा’ शब्द अरबी भाषा दा ऐ ते बहुवचन ऐ। एदा अर्थ ऐ साथी। परिभाषा च ए शब्द उस मनुक्खे ताई बरतौंदा ऐ जिन्ने हजरत मुहम्मद मुस्तफा सल्लल्लहू अलैहि वसल्लम पर ईमान आंदा, तुन्दे कन्ने मित्रेआ ते उसदी मौत बी इस्सं हालती च होई जे ओह, तुन्दे पर ईमान आमने आला हा।

अर्थात्—ओह्, अपने मनं थमां कोई गल्ल नेईं आखदे पर ओह्, (कुरान) अल्लाह पास्सेआ उतरने आली वाणी ऐ। इसकरी ए कोई रूहानगी आली गल्ल नेईं जे कुरान मजीद न हजरत मुहम्मद मुस्तफा सल्लअम गी आने आले सारे समे ताईं ते समूलची मनुख जाती ताईं आदर्श दे रूप च पेश कीता ऐ। सर्वशक्तिमान अल्लाह पवित्तर कुरान मजीद च आखदा ऐ—

“वलकुम फी रसूलिल्लाहे उस्वतुन् हसनतुन्”

(सूर० अह्जाब, रूकू 3)

अर्थात्—तुन्दे आस्तै अल्जाह दे रसूल च बड़ा शैल ते पवित्तर आदर्श ऐ।

इस शा पंहुलें कुरान मजीद दियां किश चोनमियां आयतां प्रकाशत कीतियां जाई चुकियां न जिन्दे च मनुखें दी भलाई आस्तै म्हतवपूर्ण शिक्षा दा वर्णन ऐ। हुन अस हजरत मुहम्मद मुस्तफा सल्लअम दी हदीसें चा किश चोनमियां हदीसां संक्षिप्त रूप च देआ करने आं। ए हदीसां तुन्दे जीवन, कथन ते कर्म कन्ने सम्बन्धित न।

इनें हदीसें दा अध्ययन करने कन्ने हजरत मुहम्मद मुस्तफा सल्लअम दे रोजं दे जीवन, प्रार्थनां, चमा आचार ते तुन्दे धर्म प्रचार दे ढंगें पर लो पौंदी ऐ। भाएं इनें हदीसें शा किछ तुन्दे जीवन च गै लिखियां गेइयां हियां पर मतियां सारियां हदीसां तुन्दे मरने दे दो सौं ब'रें परें लिखियां गेइयां। भाएं ए हदीसां इक लम्में समे मगरा किट्ठियां कीतियां गेइयां न फी बी हेठ दित्ते गेदे कारणें करी अज्ज बी विश्वास दे जोग न।

पंहुला कारण ए ऐ जे हजरत मुहम्मद मुस्तफा सल्लअम दे पवित्तर वचनें दा तुन्दे साथी बड़ा मान करदे हे ते तून्दी उनें सारियें गल्लें गी जेह्ड़ियां तुस समे-समैं पर आखे हे, तुन्दे साथी उस्से बेल्हें चेत करी लैदे हे ते उनें गल्लें दी आपू'-चें चर्चा बी करदे हे ते इक-दूए गी दसदे रौह्दे हे।

दूआ कारण ए ऐ जे तुन्दे पवित्तर कथन ते गल्लें गी बड़े मते धार्मिक विश्वास ने दिक्खेआ जन्दा हा। तुन्दे द्वारा आखे गेदे शब्दें च कुसै किसमा दा अमङ्ग-पिच्छड़ जां परिवर्तन करना अपराध समझेआ जन्दा हा ते तुन्दे साथी एबी समझदे हे जे ने'आ कोई अपराध करने पर असें गी अल्लाह अगें जवाब बी देना पोग। हजरत मुहम्मद मुस्तफा

सल्लअम दा गलाना ऐ—

“उस मानु दा ठकाना नर्क होग जेह्ड़ा मेरे ने ऐसी गल्ल जोड़ग
जेह्ड़ी में नेई आखी दी होऐ।”

तीया कारण ए ऐ जे जिसल बी लोक तुन्दे सरबन्ध च किश गल्लां करदे जां तुन्दे
शा किश सुनिये दूएं गी दसदे तां प्रचलत प्रथा मताबक नेइयें गल्लें गी सुनने आले छड़ी
तुन्दियां गल्लां गी चेता नेहे करी लैदे सगोआं उनें गल्लें दा वर्णन करने आले मानु दा
नां ते उसदे मुख्हा हालातें गी बी चेत करी लैदे हे।

चौथा महत्वपूर्ण कारण ए ऐ जे अरब दसै दे लोक हजरत मुहम्मद मुस्तफा
सल्लअम दे प्रकट होने शा पेह्छे बी बड़ी मती स्मरण शक्ति रखदे हे। उन्दे च ऐसे
लोकें दा घाट्टा नेई हा जिनें गी इक-इक लख्ख शा बी मते काव्य चेत रौहदे हे।
एदे अलावा उन्दे च अपने परिवार दी जन्म-पत्तरी गी बी चेत रखने दी प्रथा हो।
हजरत मुहम्मद मुस्तफा सल्लअम दे प्रकट होने परेत तुन्दे साथिये ते तुन्दे पर ईमान
आनने आलें दा नैतिक मान बड़ा उच्चा होई गेआ हा ते कुस गल्लें गी बघाई-चढ़ाइयें
दस्सने गी पसन्द नेई हा कीता जन्दा। एदे अलावा कुरान मजीद च ना सिर्फ
सचाई पर जोर पाया गेदा ऐ सगोआं एदे पर बल पाया गेदा ऐ जे कोई मानु जेह्ड़ा
बी गल्ल वर्णन कर ओह्दे तत्थे दी पुष्टि बी करे।

इन कारणों करी ए आखेआ जाई सकदा ऐ जे हजरत मुहम्मद मुस्तफा सल्लअम
दी हदीसें बारें विशेष सावधानी बरतदे होई उनें गी सांभिये रखेआ गेआ ते इसदे
मकाबले च कुसै दुई इतिहासक समझरी गी जमा करने च इन्नी सावधानी नेई
लब्धी सकदी।

हजरत मुहम्मद मुस्तफा सल्लअम दी हदीसें गी किट्ठा करने ताईं मुसलमान
विद्वानें इन्नी मेहनत मारी ऐ ते उन्दी सचाई गी सिद्ध करने आस्तै इन्ना ध्यान दिता
ऐ जे होर कुसै बी इतिहासक विशे बारे इन्ना ध्यान, लगन ते परिश्रम नेई कीता गेआ।
हदीसें गी ब्यान करने आलें बारें बस्तार कन्ने छान-बीन करदे बेल्ले कुसै इक कड़ी गी
बी नेई छोड़ेआ गेआ। इत्थों तगर जे हदीसें दा वर्णन करने आलें दे चरित्र दा अध्ययन
करिये, उन्दी सचाई पर कियां भरोसा कीता जाई सकदा ऐ, इस बारें अनगिनत गल्लां

लिखियां गेदियां न । नतीजे दे तोर। पर हदीसों दी घ्याख्या बारै मनुक्खी इतिहास च पेह्ली वारी इक नमां ज्ञान थोआ ऐ ।

उनें पाठकें दे फीदे आस्तं जेह् डे इस्लाम बारै घट्ट ज्ञान रखे न, अस ए दस्सना चाह्ने आं जे हदीसों पर लिखी दिये अनगिन पोथियें चा छे पोथियां ऐसियां न जिनेंगी मुसलमान विद्वानें बड़ी म्हत्ता दित्ती ऐ । ए छे प्रमाणित पोथियां “सिहा सित्ता” दे नां कन्ने प्रसिद्ध न । इनें छे प्रमाणित पोथियें गी किट्ठा करने आले विद्वानें दा संक्षिप्त परिचे इस चाली ऐ—

सही बुखारी—इस पोथी दा पवित्तर कुरान मजीद दे बाद सभनें शा उच्चा थाह् ऐ । इस पोथी दा संग्रह् करने आले बुखारा निवासी हजरत मुहम्मद इस्माईल न जेह् डे इमाम बुखारी दे नां कन्ने प्रसिद्ध न ।

(जन्म 194 हिजरी मृत्यु 256 हिजरी)

सही मुस्लिम—दूई म्हत्तवपूर्ण कताब “सही मुस्लिम” ऐ । इस कताबे दा संग्रह् करने आले हजरत मुस्लिम बिन अल्हज्जाज न । ए खुरासान प्रदेश दे नेशापुर दे रोह्ने आले हे । (जन्म 202 हिजरी मृत्यु 261 हिजरी)

जामेउल् तिमिजी—ती मशहूर पोथी “जामेउल् तिमिजी ऐ । एदा संग्रह् करने आले हजरत इमाम मुहम्मद बिन ईसा न ते ओह् तिमिज दे रोह्ने आले हे ।

(जन्म 209 हिजरी मृत्यु 279 हिजरी)

सुनन् अबू दाऊद—उप्पर लिखी दिये कताबे दे मगरा “सुनन् अबू दाऊद” दा चौथा थाह् ऐ । इसदा संग्रह् करने आले हजरत सलामान बिन अल् अशाबत न जेह् डे अबू दाऊद दे नां कन्ने प्रसिद्ध न । (जन्म 202 हिजरी मृत्यु 275 हिजरी)

सुनन इब्ने माजा—पंजमां स्थान “सुनन इब्ने माजा” दा ऐ । इसदा संग्रह् करने आले हजरत मुहम्मद इब्ने माजा न । ए इराक दे प्रसिद्ध नगर फिजवीन दे रोह्ने आले हे । (जन्म 209 हिजरी मृत्यु 275 हिजरी)

सुनन निसाई—छेमें थाह् रा पर “सुनन निसाई” दा नां आंदा ऐ । इसगी हजरत अहमद बिन शुऐबा ने संग्रह् कीता हा । निसा खुरासान च इक मशहूर नगर ऐ जित्थों दे ए रोह्ने आले हे । इस करी ए निसाई दे नां कन्ने जाने जन्दे न ।

(जन्म 215 हिजरी मृत्यु 306 हिजरी)

मोता इमाम मालिक — इन्हें 'सिद्दा सित्ता' दे अलावा इक होर हदीसों दा म्हतव-पूर्ण संग्रह 'मोता इमाम मालिक' दे नां कन्ने मशहूर ऐ : इसदा संग्रह करने आले हजरत मालिक बिन अनस न जेह् डे इमाम मालिक दे नां कन्ने जाने जन्दे न । ए पोथी 'सिद्दा सित्ता' च शामिल नेई ऐ की जे ए कताब मौलक रूप च कनूनी सिद्धांतों ने सम्बन्धित ऐ । इस करी एदे च मतियां ओ हदीसां ब्यान कीतियां गेदियां न जिन्दे च कनूनी गल्लें दो चर्चा ऐ । मोता इमाम मालिक दी हदीसों दी प्रमाणिकता इस थमां सिद्ध होंदी ऐ जे इसबियां सारियां हदीसां 'सही बुखारी' ते 'सही मुस्लिम' च लिखी दियां न । हदीसां लिखने आलें च इमाम मालिक दा थाह् इन्ना उच्चा ऐ जे ओह् 'इमामुल् मुहद्दिसीन' (अर्थात्—हदीसों दे संग्रह करने सालें दे गुरु) दे नां कन्ने मशहूर न ते तकरीबन-तकरीबन सारे गे हदीसों दे संग्रह करने आलें उन्दी इस म्हत्ता गी स्वीकारेआ ऐ ।

S. H. ABBASI

—०—

Add. Vakil-ut-Tasneef
&
Nazir Ashaat
London

नीत ते कर्म

हजरत उमर (र)¹ वर्णन करदे न जे में आं हजरत (स)² गो ए आखदे सुनेआं जे सारे कर्मों दा आधार मनुक्खे दी नीत पर होंदा ऐ ते हर मानु गो उसदी नीत मताबक गे फल थहोंदा ऐ। पर जिस मानु ने अल्लाह ते उसदे रसूल दी खातर घर-बाहर छोड़ेआ, उसदा त्याग अस्लाह ते उसदे रसूल आस्तै गे मिथेआ जाग। पर जिन्ने संसार पाने खातर जां कुसे जनानी कन्ने निकाह करने खातर त्याग कीता तां उसदे त्याग दी लोड़ अल्लाह अगें बी इयै समझी जाग ते इसदे फलसरूप उसगी किश बी नेई थहोग।

(बुखारी शरीफ—भाग 1 सफा 1, भाग 2 सफा 989
ते मुस्लिम शरीफ—भाग 1 सफा 232)

हजरत अब्दुल्लाह सपुस्तर उमर (र) दसदे न जे आं हजरत (स) ने गलाया जे मुसलमान ओ ऐ जिसदे बोलने करी ते जिसदे हत्ये दूएँ नुसलमानें दा बचाऽ होई सकै ते मुहाजिर ओ ऐ जेह्दा उनें गल्लें गी छोड़ी देऐ जिन्दे लेई अल्लाह ने मनाही कीती दी ऐ।

(बुखारी शरीफ—भाग 1 सफा 6)

-
1. (र) अक्खर अरबी भाशा दे 'रजि अल्लाह अनहू' आस्तै रक्खेआ गेआ ऐ।
 2. (स) अक्खर अरबी भाशा दे शब्द 'सल्लअम' आस्तै रक्खेआ गेआ ऐ।

अल्लाह दी शान

हजरत अब्दुल्लाह सपुत्तर उमर (र) दसदे न जे आं हजरत(स) नें मंच प खड़ोइये उपदेश दिन्दे होई ए आयत पढ़ी—

“कयामत आले रोज उसदे सज्जे हत्ये कन्ने घरती ते अम्बर दोऐ लपटोए दे होइन। ओह पवित्तर ऐ ते उने शरीकें कशा बड़ा उच्चा ऐ जिनें गी लोक उसदे मकाबले च खडेरदे न।”

हजर नै फरमाया जे अल्लाह आखदा ऐ में बड़ी शक्तिये आला ते घाटें गी पूरा करने आला आं। हर चाली दी बड़ैआई मेरे ताई गै। में बादशाह् आं। में उच्ची शान आला आं। अल्लाह् इस चाली अपनी पवित्रता ते वड्डापन दसदा ऐ। आं हजरत इने गल्लें गी बड़े जोश च दरहा करदे हे, इत्थीं तगर जे मंच कम्बन लगी पेआ। असें सोचेआ जे कुतै तुस मंच परा डिग्गी नेईं पवो।

(मुस्तद अहमद—भाग 2 सफा 88)

हजरत अबू हुसैना(र) दसदे न जे आं हजरत(स) नें आखेआ, दो गल्लां ऐसियां न जेह् डियां रहमान ते खुदा गी बड़ियां पसन्द न। मूहां आखने गी ते बड़ियां होलियां न पर फलादेश दी तरक्कड़ी च बड़िया भारियां न। ओ गल्लां न—

“में अल्लाह दे नां दी माला जपनां ते उसदे गुणगान च लगे दा रोह्नां। में मानजोग उच्ची शान आले इक प्रभु दे नां दी माला जपनां।

(बुलारी शरीफ—भाग 2 सफा 1129)

अल्लाह इक ऐ

हजरत अबू हुसैना(र) दसदे न जे आं हजरत(स) नें गलाया, अल्लाह आखदा ऐ मेरा मनुक्क मिगी झूठा आखदा ऐ जद-के उसी इयां नेईं करता लोड़चदा। ओ मिगी गालीं

दिन्दा ऐ जद-के उसी इयां करने दा हक्क नेईं हा । मिगी झूठा आखने कन्ने मतलब ए ऐ जे ओ आखदा ऐ, अल्लाह असें गी परतिघे इस चाल्ली पैदा नेईं करी सकदा जियां उसने असेंगी पैह्लें पैदा कीते दा ऐ । ते मिगी गालीं देने दा मतलब ए ऐ जे ओह आखदा ऐ, अल्लाह ने कुसं गी अपना पुतर बनाए दा ऐ । जद-के में वे-न्याज आं ते ना में कुसं दा पुतर आं, ना में जम्मेआं गेदा आं ते तां गै कोई मेरी बरोबरी दा होई सकदा ऐ ।

(मुस्नद अहमद—भाग 2 सफा 317)

अल्लाह दी चर्चा

हजरत जाबिर(र) दसदे न में आं हजरत(स) गी ए आखदे सुनेआं जे चंगी गल्ल “लाइलाहा इल्लाहा” आखना ऐ । अर्थात् इस गल्ला गी मन्नना जे अल्लाह दे सिवा होर कोई पूजन-जोग नेईं ऐ । ते खरी प्रार्थना ए ऐ जे सारियां सिफतां अल्लाह ताईं न ।

(तिमिजी शरीफ—भाग 2 सफा 172)

हजरत अबू मूसा अल अशआरी(र) दसदे न जे हजूर(स) न आखेआ, अल्लाह दा जिकर करने आले ते अल्लाह दा जिकर नेईं करने आले दी मसाल जीदे ते मोए दे आंगर ऐ । मतलब—जेह्ड़ा अल्लाह दा जिकर करदा ऐ ओ जीदा ऐ ते जेह्ड़ा नेईं करदा ओ मुर्दा ऐ ।

(बुखारी शरीफ—भाग 2 सफा 948)

हजरत अबू मूसा अल अशआरी(र) दसदे न, अस आं हजरत(स) ने पंडे पेदे हे, लोक जोरें-जोरें अल्लाह दे नां दे ना'रे लान लगे । ए सब दिक्खिये हजूर न आखेआ जे हे लोको, सबरे थमां कम्म लैओ । ना ते तुस कुसं बोले गी कुआल करदे ओ ते ना गे कुसे ऐसे गी जेह्ड़ा इत्थें मजूद नेईं होऐ । तुस ऐसी हस्ती दी बड़ेआई करे करदे ओ जेह्ड़ा सुनने आला ऐ, तुन्दे कोल ऐ ते तुन्दे कन्ने ऐ ।

(मुस्जिम शरीफ—भाग 2 सका 233)

हज़रत अबू हुंररा(र) दतदे न जे आं हज़रत(स) नं फरमाया जे अल्लाह् दे किश बजुर्ग फरिश्ते इस ससारं च फिरदे रौह् दे न ते उर्नें गी नेह्, थाह्, रें दी तपाश रौह् दी ऐ जित्थें लोक अल्लाह दी गल्ल-बात करे करदे होन । जेल्ले ओ कोई ऐसी मजलस दिखदे न जिस च अल्लाह दा जिकर होऐ करवा होऐ तां उत्थें बेई जन्दे न ते अपने परे कन्ने उस सभा गी खट्ठी लेंदे न । सारा वातावरण उन्दी इस बरकत आली छां कन्ने भरोई जन्दा ऐ । जेल्ले लोक इस सभा चा उट्ठी पोंदे न तां उब्बी गास बक्खी चढ़ी जन्दे न । उत्थें अल्लाह सब किश जानदे होई बी उन्दे कोला पुछदा ऐ, कुत्थों आए ओ ? ओ परता दिन्दे न, अस तेरे मनुक्खें कोला आए आं जेह् डे तेरे नां दा गुणगान करे करदे हे, तेरी बड़ैआई करा करदे हे, तेरी पूजा च डुब्बे दे हे ते तेरी तरीफ करे करदे हे ते तेरे अगमें बेनती करे करदे हे । इस पर अल्लाह फरमांदा ऐ जे ओ मेरे कशा के मंगदे न ? तां फरिश्ते अर्ज करदे न जे ओ तेरे कशा तेरी जन्नत मंगदे न । अल्लाह तां आखदा ऐ क्या उर्ने मेरी जन्नत दिक्खी दी ऐ ? फरिश्ते आखदे न, हे मेरे रब्ब ! उर्ने तेरी जन्नत दिक्खी ते नेईं । अल्लाह आखदा ऐ जेकर ओ मेरी जन्नत दिक्खी लैन तां उन्दी के दशा होग ? फी फरिश्ते आखदे न, ओ तेरी छत्तर-छाया चांह् दे न । अल्लाह तां आखदा ऐ ओ कोह् दे शा मेरी छत्तर-छाया चांह् दे न ? फरिश्ते तां आखदे न, तेरी अग्गी कोला ओ बचना चांह् दे न । अल्लाह आखदा ऐ क्या उर्ने मेरी अग दिक्खी दी ऐ ? फरिश्ते आखदे न, दिक्खी ते नेईं । अल्लाह आखदा ऐ उन्दा के हाल होऐ जेकर ओ मेरी अग दिक्खी लैन ? फी फरिश्ते आखदे न, ओ गुनाहें कशा माफी चांह् दे न । इस पर अल्लाह आखदा ऐ में उर्नें गी बक्खी ओड़ैआ ते ओ सब किश दित्ता जेकिश उर्ने मेरे शा मगेआ ते में उर्नें गी अपनी पनाह्, इच लेई लेआ ऐ जेह् दे शा उर्ने मेरी पनाह् मंगी । इस पर फरिश्ते आखदे न, हे साढ़े रब्ब ! उन्दे च भंडे कम्म करने आला फलाना आदमी बी हा । ओ उद्वारा लगेआं ते उर्नें गी गल्ल-बात करदे दिक्खी बेई गेआ । इस पर अल्लाह आखदा ऐ, में उसी बी बक्खी ओड़ैआ ऐ कीजे ऐ ओ लोक न जे उन्दे कोल बौह्ने आला बी नेईं पाने जोग ते भंडा नेईं रौह्दा ।

(मुस्लिम शरीफ—भाग 2 सफा 228)

अल्लाह कन्ने हिरख

हज़रत अबूदरदा (र) दसदे न जे आं हज़रत (स) न आखेआ, हज़रत दाऊद अलैहिस्सलाम इस चाली प्रथाना करदे हे—

“हे मेरे अल्लाह ! में तेरे कशा तेरा प्रेम मंगनां ते उन्दा हिरख जेह्ड़े तेरे ने हिरख करदे न ते ऐसे कर्म करने दी शक्ति मंगनां जो मिगी तेरे हिरख तगर पजाई ओड़न । हे मेरे अल्लाह ! इयां कर जे तेरा हिरख मिगी अपनी जिन्दू कशा, अपने साक-सरबन्धिये कशा ते ठडे-मिटठे पानी कशा बी मता प्यारा ते शैल बजोऐ ।

(तिमिजी शरीफ—भाग 2 सफा 187)

हज़रत अनस(र) वर्णन करदे न जे आं हज़रत(स) न आखेआ, जिस च तै गल्लां होन ओ ईमान दी मठास ते मधूरता गी खरी चाली मसूस करी सकदा ऐ । इक ए जे अल्लाह ते उसदा रमूल उसगी सारें शा मता प्यारा होऐ । दूई ए जे ओ मनुख जेकर कुस होर कन्ने हिरख करे तां सिर्फ अल्लाह ताई गे हिरख करे । दी ए जे ओ अल्लाह दी मददी कन्ने कुफरे चा निकली आने परेत फी कुफरे च परतोई जाने गी इन्ना भैड़ा समझ जिनना ओ अगी च सुट्टे जाने गी समझदा ऐ ।

(बुखारी शरीफ भाग 1 सफा 7)

हज़रत अबूहुरैरा(र) दसदे न जे आं हज़रत(स) न गलाया, जे ईमान आनने आले गी ए ज्ञान होऐ जे अल्लाह दी सजा किन्नी कठोर ऐ तां ओ सुरगे दी मेद नेई रखे ते इये समझ जे इस सजा कोला बचना ओखा ऐ । ते जेकर इन्कार करने आले गी अल्लाह दी किरपा दे खजाने दा थोड़ा बी ज्ञान होऐ तां ओ सुरगे दी आशा थमां निराश नेई होऐ ते विश्वास करी लें जे इन्नी बड्डी रहमत कोला भला कुन बदकिसमत दूर रेई सकदा ऐ ।

(मुस्लिम शरीफ—सफा 251 ते तिमिजी शरीफ—सफा 1 '3)

हज़रत वासिला सपुत्तर अस्का(र)दसदे न जे आं हज़रत(स) न आखेआ जे

अल्लाह फरमादा ऐ, में अपने भक्त कन्ने उपदे विचारें मताबक सलूक करना ते उसदे विचारें मताबक गै उस पर अपना-आप जाहूर करना ।

(बुखारी—भाग 2 सफा 1101)

हज़रत अबू हुरैरा(र) दसदे न जे आं हज़रत(स) नै गलाया जे अल्लाह आखदा ऐ, में अपने बन्दे कन्ने उसदे उस नेक विचार दे मताबक सलूक करनां जेह्ड़ा उसदे मने च मेरे आस्तै ऐ । जित्थे बी ओ मेरी चरचा करदा ऐ में उसदे कन्ने होन्ना । तुमें आखेआ खुदा दी सघन्द ऐ अल्लाह अपने भक्तों दी तोबा पर इन्ना खुश होँदा ऐ जे इन्ना ओ मनुक्ख बी खुश नेईं होँदा जिसी जंगल-बियाबां च अपनी गुआची दी ऊटनी लब्धी जा । अल्लाह फरमांदा ऐ जेह्ड़ा मनुक्ख गिट्ठ-भर बी मेरें नेड़ें ओँदा ऐ में गज-भर उसदे कोल होन्ना । जेकर ओ इक हत्थ मेरें नेड़ें होँदा ऐ तां में दो हत्थ कोल होन्ना ते जेल्ले ओ मेरे पाससै टुरिये ओँदा ऐ तां में ओदे पाससै दोड़िये जन्ना ।

(मुस्लिम—भाग 2 सफा 247)

हज़रत अबू हुरैरा(र) वर्णन करदे न जे आं हज़रत(स) नै फरमाया, इक शख्स नै अपने-आप पर बड़ा जुल्म कीता—बड़े पाप कीते । जिसलै ओ मरन लगा तां उन्नै अपने पुत्तरें गी बसीयत कीतो जे जिसलै में मरी जां तां मिगी फूकी ओड़ेओ ते फी मेरे जले दे शरीरें गी बरीक पीह् लैओ ते मेरी इस सुआह् भी समुन्दरी ब्हाएं च डुआरी ओड़ेओ । खुदा दी कसम मिगी ए डर ऐ जे जेकर में अपने खुदा दे हत्थ आई गेआ तां ओ मेरे पापों दी मिगी ऐसी सजा देग जिसदी कोई मिसाल नि लब्धग । आं हज़रत नै फरमाया, तां उसदे पुत्तरें उसदी बसीसत दे यताबक अमल कीता । पर अल्लाह ने घरती गी हुकम कीता जे जित्थे-जित्थे इस शख्स दी सुआह् किरि ऐ ओ सारी मिगी परताई ओड़ । तां ओ मानु पूरे शरीर समेत अल्लाह दे अगें हाजर होआ । अल्लाह ने उसी पुच्छेआ, तू इयां की कीता ? उन्नै परता दित्ता, हे मेरे खुदा ! सिफं तेरे डर करी में इयां कीता । अल्लाह गी उसदा इयां पच्छोताना पसन्द आया ते उसगी माफ करी ओड़ेआ ।

(बुखारी—भाग 1 सफा 49^c)

पवित्र कुरान

हजरत उस्मान सपुतर अपफान(र) दसदे न जे आं हजरत(स) ने आखेआ जे तुन्दे चा श्रेष्ट ओ ऐ जेह्ड़ा कुरान मजीद सिखदा ऐ ते दूए गी सखांदा ऐ ।

(बुखारी शरीफ—भाग 2 सफा 752)

हजरत अब्बास दे पुतर वर्णन करदे न जे आं हजरत ने आखेआ जे जिसगी कुरान मजीद दा कोई बी भाग चेतै नेईं ओ इक बरान घर आला लेखा ऐ ।

(तिमिजी शरीफ—भाग 2 सफा 115)

हजरत जूद सपुतर अकम(र) दसदे न जे आं हजरत(स) भाशन करने आस्तै इक रोज साढ़े बिच खड़ोते । तुसँ अल्लाह दी तरीफ कीती ते उसदियां सिफतां दस्सिआं । नसीहत् करदे होई फरमाया जे हे लोको ! में मनुक्ख आं, होई सकदा ऐ अल्लाह पासेआ मिगी सहने आला आई जा ते में उसदे आखने मूजब इस संसार शा विधा होई जां । में तुन्दे आस्तै दो गल्लां छोड़ियै जा करनां, उन्दे चा पैह्ली अल्लाह दी कताब ऐ जिदे बिच हिदायत ते नूर ऐ । अल्लाह दी कताब गी घोटियै फगड़ो ते उस पर अमल करो । मतलब ए जे अल्लाह दी कताब दे आदेशों पर चलने दी तुसँ प्रेरणा दिसी ते आखेआ जे दूई चीज जेह्ड़ी में तुन्दे च छोड़ियै जा करनां ओ मेरे परिवार दे लोक न । में तुसँ गी अपने परिवार आस्तै अल्लाह दा चेता करान्नां । (ए बोल तुसँ त्रै वारी आखे)

(मुस्लिम शरीफ—भाग 2 सफा 110)

हजरत मुहम्मद मुस्तफा सल्लअम दा चरितर

हजरत अब्दुल्लाह सपुतर अबी औफा(र) दसदे न जे आं हजरत(स) च मासा घमण्ड नेईं हा । ना ते तुस रोह् बुझदे ते ना गी विधवा जनानिये जां लाचार लोकें दी

सहायता शा संकोच बुझदे । मतलब ए जे बेस्हारा जनानिये ते लचारें ते गरीबें दी सहायता आस्ते हर बेल्ले तयार रौह्दे ते इस बच खुशी बुझदे ।

(मुस्नद दारमी)

हजरत आइशा(र) दसदियां न जे आं हजरत(स) न कदे कुसै गी नेईं मारेआ, ना कुसै जनानी गी ते ना कुसै नौकरे गी । हां, अल्लाह दी राह् च तुसे बड़ा संघर्ष कीता । तुसे गी जद्वं कदे कुसै नै कष्ट दित्ता तां बी तुसे उस कन्ने कदे बदला नेईं लैता । हां अल्लाह दे कुसै पवित्र थाह् रे दा अपमान कीता जन्दा तां तुस अल्लाह ताईं बदला लैदे ।

(मुस्लिम शरीफ—भाग 2 सफा 4)

हजरत अबू सईद खुदरी(र) दसदे न जे आं हजरत(स) दा जीवन बड़ा सादा हा तुस कुसै बी निक्के धमां निक्के कम्म गी करने च झाका नेईं हे बुझदे । अपने ऊंटे गी आपूँ घा-पट्ठा पांदे, घरे दा कम्म-काज करदे, अपनी नुक्के दी गंड-तृप्प करी लैदे, टल्ले गी लीर-टाकी पाई लैदे, बक्करी चोई लैदे, नौकरे गी अपने कन्ने बठाइयें रुट्टी खलांदे, आटा पीह्दे-पीह्दे जेकर ओ थक्की जन्दा उसदी मदद करदे, बजारें दा घरे आस्ते समान चुक्की आनने च शर्म नेईं बुझदे । अमीर-गरीब हर कुसै ने हथ मलांदे, सलाम करने च पैह्ल बरतदे । जेकर कोई नकारी खजुरें दी धाम बी आखदा तां तुस उसी निक्का नेईं समझदे ते मन्नी लेंदे । तुस बड़े हमदर्द, ल्हीम ते नर्मदिल हे । तुन्दा रंह्न्-संह्न् बड़ा साफ-सुथरा हा । म्हेशां खुश रौह्दे, निम्मा-निम्मा हासा म्हेशां नुहारी परा डुलदा रौह्दा । तुस जोरें गड़ाका लाइयें कदे नेईं हसदे । अल्लाह दे डर शा म्हेशां चितत रौह्दे । तुन्दे रभा च कौइतन नेईं ही । तुस नरम रभा दे हे पर इस बिच कुसै कमजोरी जां बुजदिली दा लेशमात्तर बी अंश नेईं हा । बड़े दानी हे पर फजूलखर्ची शा म्हेशां बचदे हे । रंह्मदिल, देआलु-किरपालु हे ते हर मुसलमान गी मेहरवान होइयें मिलदे । इन्नी रज्जियें बी नेईं खन्दे जे झमानियां गें मारदे रोह्न्, कदे लालची होइयें हथ अगड़ा नेईं हे बघांदे सोगोआं शुकर ते सबर करने आले ते थोह्दे च गें राजी रौह्दे ।

(मिशकात शरीफ किताबुल फितन—सफा 519)

हज़रत अबू मूसा अल अशआरी(र) दसदे न जे इक बारी हज़रत आइशा(र) न असे गो आं हज़रत दी खदरं दी मुट्टी चादर ते तैह्मत कडिदियं दरसेआ ते आखेआ जे हज़र(स) न मरंदे वेल्ले ए टल्ले लाए दे हे ।

(बुखारी शरीफ— भाग 2 सफा 865)

इस्लाम दियां नी'आं

हज़रत उमर दे पुतर(र) वर्णन करदे न जे आं हज़रत(स) न गलाया, इस्लाम दी बुनियाद पंजें गल्लें पर ऐ—पेहली गल्ल ए जे इस गल्ले दी गुआही देनी जे अल्लाह दे बगर होर कोई पूजनजोग नेई ते मुहम्मद अल्लाह दा रसूल ऐ । दूई—नमाज पढ़नी ती जकात देनी, चौथी—अल्लाह दे घरं दा हज्ज करना, पंजमी—रमज़ान दे रोजे रक्खने ।

(बुखारी शरीफ—भाग 1 सफा 6)

हज़रत उमर सपुतर ख़ताब(र) दसदे न जे अस आं हज़रत(स) दे कोल बेठे दे हे तुं दे कोल इक आदमी आया जिसदे टल्ले बड़े चिट्टे हे ते बालें दा रंग काला हा । ना ओ कोई राह्-रांहू हा ते ना साढ़े चा कोई उसगी पछानदा हा । ओ आया ते आं हज़रत(स) दे गोइडे कन्ने अपना गोइडा जोड़ियं बड़े सलीके ने बेई गेआ ते बेनती कीती, हे मुहम्मद ! ईमान के ऐ ? तुसे फरमाया, ईमान ए ऐ जे तू अल्लाह पर, उसदे फरिश्ते पर, उसदी कताबें पर ते उसदे रसूलें पर ईमान आनें । कयामत दे दिने पर जकीन रक्खे ते कुदरत दे कनूने पर जकीन रक्खे जेहूडे अछाई ते बुराई कन्ने सरबन्ध रखदे न ।

(तिमिजी किताबुल ईमान—भाग 2 सफा 85)

पूजा दा ढंग

हज़रत उसमान सपुत्रर अपफ़ान (र) दसदे न जे तुसे इक बारी पानी मंगवाया । पंहलें त्रै बारी हत्य धोते फी अपने सज्जे हत्य ने पानी लेइयें करूली कीती, नक्क साफ कीता, फी त्रै बारी अपना मूंह धोता फी आरकें तगर हत्य धोते । ओदे मगरा सिरें पर हत्य फेरेआ फी त्रै बारी अड्डियें तगर अपने पैर धोते ते इस चाल्ली अपना 'वुजू' पूरा करने मगरा आखेआ, आं हज़रत(स) ने आखे दा ऐ, जिन्ने इस चाल्ली वुजू कीता त्रियां में कीता ऐ, फी मन चा सारे संसारिक विचार कडिइयें दोरकात नमाज़ पढ़ें तां उसदे पैहले दे सारे गुनाह बख़्शी दित्ते जाडन ।

(बुखारी—भाग 1 सफा 27)

हज़रत अबू हुरैरा(र) दसदे न जे आं हज़रत(स) ने आखेआ, क्या में तुसेगी ओ गल्ल नेईं दस्सां जिस करी अल्लाह सारे गुनाह माफ करी ओड़दा ऐ ते दर्जे उच्चे करदा ऐ । श्रोतें बेनती कीती, हे अल्लाह दे रसूल ! जरूर दस्सो । तुसे आखेआ, ठंड लगने करी मन नेईं होने पर बी चंगी चाल्ली वुजू करना ते मसीतें च दूरा दा चलियें ओना ते इक नमाज़ दे मगरा दूई नमाज़ ताईं बलगना, एबी इक चाल्ली दी 'रिबात' ऐ । मतलब ए जे बन्ने पर छौनी पाने बरोबर ऐ । ए गल्ल तुसे दो बारी आखी ।

(मुस्लिम शरीफ—भाग 1 सफा 104)

हज़रत आइशा(र) दसदियां न जे आं हज़रत(स) तक्बीर (अल्लाहो अकबर) आखिये नमाज़ रम्भ करदे हे । उसदे मगरा फातिहा दी सूरत पढ़दे । जेल्लें 'रुकू' करदे तां सिरें गी ना मता उबड़ा चुक्की रखदे ना गे नीमा करदे बल्कि पिट्ठें दे बराबर सिद्धा रखदे ते जेल्लें रुकू शा उठदे तां सिद्धे खड़ोइयें फी सिजदा करदे ते जेल्लें सिजदे शा सिर चुकदे तां पूरी चाल्ली बोहने मगरा दूआ सिजदा करदे ते हर दो रकातें मगरा अतहैया पढ़ने ताईं बेईं जन्दे । अपना सज्जा पैर खडेरी रखदे ते खन्ना बछाई ओड़दे ते इस चाल्ली वेइयें अतहैया पढ़दे ते शतानें आंगर बोहने—मतलब ए जे अड्डियें भार बोहने शा ठाकदे जियां कुस्ता अपनियां बाह्मा बछाइयें बोह्दा ऐ । खीर च तुस

अस्सलामो अलैकुम करिये नमाज समाप्त करदे ।

(मुस्मद अहमद—भाग 6 सफा 31)

हज़रत अब्दुल्लाह सपुत्तर मसऊद(र) दसदे न जे में आं हज़रत(स) मो पुच्छेआ, केह्ड़ा कर्म अल्लाह गी मता पसन्द ऐ ? तुसें फरमाया, बेल्लै-सिर नमाज पढ़नी । में बेनती कीती, उसदे मगरा केह्ड़ा ? तुसें आखेआ, माऊ-बब्बै कन्ने नेक सलूक करना । में फी बेनती कीती जे इसदे परैत केह्ड़ा ? तुसें आखेआ, अल्लाह दे रस्ते च सघश करना । अर्थात्—अल्लाह दे धर्म दे प्रचार आस्तै पूरी कोशश करनी ।

(बुखारी शरीफ—भाग 1 सफा . 90)

हज़रत उमर सपुत्तर शुऐब अपने पिता यमां सुनी दी अपने दादे(र) दी ए गल्ल वर्णन करदे न जे आं हज़रत(स) नै फरमाया जे जिसलै तेरे ज्याणें सत्तें ब'रें दे होई जान तां उनें गी नमाज पढ़ने दी तकीद करनी । ते जेल्लै ओ दस्सें ब'रें दे होई जाडन तां नमाज नेई पढ़ने पर सख्ती बरतेआं ते इस बरेसे च उन्दे बिस्तरे बी बक्ख करी ओड़ो मतलबै उनें गी बक्ख-बक्ख बिस्तरे पर सुआलो ।

(अबू दाऊद—भाग 1 सफा 70)

हज़रत फातिमा ज़हरा(र) वर्णन करदियां न जे आं हज़रत(स) जिसलै मसीती च दाखल होन लगदे तां ए प्रार्थना करदे, अल्लाह दे नां दे कन्ने अल्लाह दे रसूल उप्पर सलामती होऐ । हे मेरे अल्लाह, मेरे पाप क्षमा कर ते अपनी रंहमत दे भित्त मेरे ताईं खो'ल्ली ओड़ । ते जिसलै तुस मसीती चा निकलन लगदे तां ए प्रार्थना करदे, अल्लाह दे नां कन्ने अल्लाह दे रसूल उप्पर सलामती होऐ । हे मेरे अल्लाह, मेरे पाप क्षमा कर ते मेरे ताईं अपनी बरकतें दे भित्त खो'ल्ली ओड़ ।

(मुस्मद अहमद—भाग 6 सफा 283)

रोज़ा (बर्त)

हज़रत अबू हुरैरा(र) दसदे न जे आं हज़रत(स) नै फरमाया अल्लाह आखदा ऐ मनुवखै दे सारे कम्म अपने आस्तै न पर रोज़ा मेरे ताईं ऐ ते में आपूँ उसदा बदला बनड। मतलब ए जे उसदी इस नेकी दे बदलै उसी अपने दर्शन नसीब करड। अल्लाह आखदा ऐ, रोज़ा ढाल ऐ। पर तुन्दे चा जिसलै कुसै दा रोज़ा होऐ ना ओ फजूल गल्लां करै ते ना रौला पा। जेकर कोई उस कन्ने लड़ै-झगड़ै जां गालीं देऐ तां ओ परते च छड़ा इन्ना आखै जे में ते रोज़ा रक्खे दा ऐ। सों ऐ उस खदा दी जिसदे हत्थे च मुहम्मद दी जान ऐ। रोज़ा रक्खने आले दे मूहैं दो खणबो अल्लाह आस्तै कस्तूरी कशा बी मती पवित्तर ते सुहामी ऐ। रोज़ा रक्खने आले ताईं दो खुशियां उसदे भागें च न—इक खुशी उसगी उसलै थ्हांदी ऐ जिसलै ओ रोज़ा त्रोंडदा ऐ ते दूई उसलै थ्हाग जिसलै रोज़े कारण उसगी अल्लाह कन्ने मलाटी नसीब होग।

(बुखारी शरीफ किताबुस्सोम—भाग 1 सफा 251)

हज़रत अबू हुरैरा(र) दसदे न जे आं हज़रत(स) नै आखेआ, जेह्ड़ा मनुवख झूठ बोलने ते झूठ पर चलने कशा नेईं कतरांदा अल्लाह गी उसदे भुवखे-त्रेहाए रौहने दी कोई लोड़ नेईं ऐ। मतलब ए जे उसदा रोज़ा रक्खना बेकार ऐ।

(बुखारी शरीफ किताबुस्सोम—भाग 1 सफा 255)

हज़रत आइशा(र) दसदियां न जे आं हज़रत(स) रमजान दे खीरी दस्स दिन मसीतै रौह्दे हे ते तुन्दा ए निजम खीरो बेल्ले तक रे'आ। तुन्दे परैत तुन्दियां घरंआलियां बी इनें दिनें 'एतकाफ़' बौह्दियां हियां।

(बुखारी शरीफ—भाग 1 सफा 271)

हज्ज

हज्जत अबू हुरैरा(र) दसदे न जे आं हज्जत(स) न इक बारी व्याख्यान दिन्दे होई आखेआ, 'हे लोको ! अल्लाह न तुन्दे अस्तै हज्ज फर्ज कीते दा ऐ, इस करी तुस हज्ज जरूर करा करो।' इस पर इक आदमी न वेनती कीती, हे अल्लाह दे रसूल ! क्या हर ब'रै हज्ज जरूरी ऐ ? तुस चुप्प रेह् । उन्नै तै बारी ए प्रश्न दर्हाया तां तुस आखेआ जेकर में हां करी ओड़दा तां हर कुस पर हर ब'रै हज्ज जरूरी होई जन्दा ते तुस इयां करने दी समर्थ नेई रखदे । फी आखन लगे, जिसले तगर में तुस गी नेई आखां उसले तगर मिंगो किश नेई पुच्छो । गैर जरूरी गल्ला पुच्छने दी इच्छेआ नेई रखो, को जे तुन्दे शा पंहलें बी लोक अपने पगम्बरें शा बार-बार सुआल करदे हे ते फी जेह्ड़ियां गल्लां ओ दसदे उन्दे पर नेई चलिये बरबादी दे गतत च जाई पौदे । जेल्लें में आपू तुस गी कोई हुक्म देआ तां समर्था मताबक उसी पूरा करो ते जेकर कुस चीजें शा रोकं तां उसी छोड़ी ओड़ो ।

(मुस्लिम शरीफ—भाग 1, 2 सफा 594)

हज्जत अबू हुरैरा(र) दसदे न जे आं हज्जत(स) न आखेआ, जेह्ड़ा मानु अल्लाह आस्तै हज्ज करे ते इस दरान किस चाहली दी ना-फरमानी ते पाप दी गल्ल नेई करे तां हज्ज दे परेत ओह् दी हालत इयां होग जियां उसदी माऊ न उसगी अज्ज गै जन्म दिता ऐ ।

(मिशकात शरीफ)

जकात ते दान

हज्जत मआज(र)दसदे न जे आं हज्जत(स) न मिंगो हाकम बनाई भेजेआ ते आखे दा ऐ जे ईसाइयें ते यहूदियें कन्ने बी तेरी मलाटी होनी ऐ ते उन्नै गी इस गल्लें ताई

मनायां जे ओ गुआही देन जे अल्लाह दे मिवा कोई बी पूजन जोग नेईं ऐ ते में अल्लाह दा रसूल आं । जेकर ओ तेरी गल्ल मन्नी जान तां उनें गो दस्सेआं जे अल्लाह ने उन्दे आस्तं दिनें च पन्ज नमाजां जरूरी कीती दियां न । जेकर ओ ए गल्ल बी मन्ना लैन तां उनें गो दस्सेआं जे अल्लाह ने उनें गो दान करना बी जरूरी दस्से दा ऐ जेह्ड़ा धनवानें शा लेइयै गरीबों गो बडेआ जाग । जेकर ओ इब्बी मन्नी जान तां उन्दे शा मता शैल माल नेईं लैयो—दान दी बसूली दरम्याने माल कन्ने करेओ । बेसहारा लोकें दी बदसीसें शा बचेओ, की जं उन्दी बदसीसें ते अल्लाह दे बशकार कोई रोक-रकाबट नेईं ऐ ।

(बुखारी शरीफ—भाग 1 सफा 196, 202, 231)

हजरत खुर्रम समुत्तर फातिक(र) दसदे न जे आं हजरत(स) नै फरमाया, जेह्ड़ा मनुक्ख अल्लाह दी राह् च किश खर्च करदा ऐ तां बदले च उसगी सत्त सौ गुणा मता फल मिलदा ऐ ।

(तिमिजी शरीफ—भाग 1 सफा 196)

हजरत अनस(र) दसदे न जे हजरत अबू तलहा अन्सारी(र) मदीने दे अन्सारें बिचा मते मीर हे । उन्दे खजूरें दे बाग हे जिन्दे चा सबनें थमां शैल बाग बेंरोहा तां दा हा जेह्ड़ा हजरत तलहा गो मता पसन्द ह! ते मसीतें दे बिलकुल सामने हा । आं हजरत(स) अमूमन उस बागें च जन्दे ते इत्थों दा मिट्ठा पानी पीदे । जिसलै ए आयन उतरी जे जड़ तक तुस अपने पसन्द दे माल चा खर्च नेईं करदे—नेकी गो नेईं पाई सकदे । तां हजरत अबू तलहा आं हजरत दी सेवा च हाजर होए ते अर्ज कीती, हे अल्लाह दे रसन तुन्दे पर इस बारें आयत उतरी ऐ ते मेरी सारें शा प्यारी जैदाद बेंरोहा दा बाग ऐ । में उसी अल्लाह दी राह् च दान करनां ते मेद रक्खनां जे अल्लाह मेरी इस नेकी गो कबूल करग ते मेरे अगले जन्म दे खजाने च शामिल करग । तुस अपनी मरजी कन्ने इसगी बरती । आं हजरत ने फरमाया, वाह्-वाह्, बड़ा गे शैल माल ऐ, बड़ा फंदे आला ऐ ते जो तू आखेआ ऐ उब्बी में सुनी लेआ ऐ । मेरी रास ए ऐ जे तू ए बाग अपने साक-सरबन्धियें गो देई ओड़ । तां हजरत तलहा नै ओ बाग अपने नेड़में रिश्तेदारें ते चचेरे भ्राएं च बंढी ओड़ेआ ।

(बुखारी शरीफ—भाग 2 सफा 654)

हज़रत अदी सपुत्तर हातिम(र) दसदे न जे आं हज़रत(स) नै आखेआ जे दान देइयें नरक थमां बचो, भाएं अदी खज़ूर दान देने दी समर्थ गे होऐ ।

(बुखारी शरीफ—भाग 1 सफा 190)

हज़रत आइशा(र) दसदियां न आं हज़रत(स)नै आखेआ, दान देने आला अल्लाह दे नेइ होंदा ऐ, लोकें दे नेइ होंदा ऐ ते मुरगें दे कोन होंदा ऐ ते नरकें शा दूर होंदा ऐ । ते इसदे मकाबले च कंजूम मानु अल्लाह शा दूर होंदा ऐ, लोकें शा दूर होंदा ऐ, मुरगें शा दूर होंदा ऐ पर नरकें दे कोल हुन्दा ऐ । दान करने आला अज्ञानी मनुख अल्लाह गी कंजूस भक्त कोला मता प्यारा हुन्दा ऐ ।

(कुशरिय—भाग 1 सफा 122)

हज़रत अबू हुरैरा(र) दसदे न जे इक मानु नै आं हज़रत(स) अगें बेनती कीती, केह्ड़ा दान फलादेश दे स्हाबें बड़्हा ऐ ? आं हज़रत नै परता दित्ता जे तू ऐसी हालत च दान कर जे इक ते तू आपू तन्दरुस्त होए ते धनं दी चाह् रखदा होए ते गरीबी कोला डरग होए ते धनवान बनना चाह्दा होए । तां तू ऐसी हालती च दान करने च विर नेई ला —भाएं तेरे नक्क-प्राण की नेई आई जान ।

(मिशकात शरीफ)

नेकी दा हुकम ते बुराई थमां रोकना

हज़रत हुज्फा(र) दसदे न जे आं हज़रत(स) नै आखेआ, सों ऐ ओदी जिस खुदा दे हृथ मेरी जान ऐ । जां ते तू नेकी दा हुकम दे ते भंडे कम्मैं थमां रोक, नेई तां होई सकदा ऐ अल्लाह तुगी कड़ी सजा देऐ । फी तू प्रार्थनां करगा पर कबूलियां नेई जाह्न ।

(तिमिजी शरीफ—भाग 2 सफा 39)

हज़रत नोमान सपुत्तर बशीर(र) दसदे न जे आं हज़रत(स) नै आखेआ, उस मनुखे दी मसाल जेह्ड़ा अल्लाह दी हई दे अन्दर रौह्दा ऐ, ते जेह्ड़ा इनें सीमाएं गी लोआघदा ऐ उनें लोकें आंगर ऐ जिनें इक किशती च थाह् पाने आस्तं परची पाई, किश लोके गी उप्पर आला हिस्सा थोआ ते किश गी ख'लकी मन्जल च थाह्

थ्होआ । जेह्ङे लोक ख'लकी मन्जले च हे ओ उप्परे आली मन्जले चा लंघिये पानी लेंदे हे । फी उनें गी ख्याल आया जे तडाने अस उप्परली मन्जला आले लोकें गी खेचल दिन्ने आं । की नेई अस ख'लकी मन्जले च बेध करी लेचें ते उत्थो पानी लेई ले करचें । हून उप्परा आले उनें गी ने'आ मूर्खता आला कम्म करन देन तां सारे दुब्बी जाम ते जे इनें गी रोकी लेन तां सब बची जाडन ।

(बुधारी शरीफ—सफा 339)

लोकें गी अल्लाह पासै सददना

हजरत सहल सपुत्तर सआद(र) दसदे न जे आं हजरत(स) ने हजरत अलो(र) गी आखेआ, अल्लाह दी सघन्ध ऐ जे तेरे थमां इक मनुक्खं दा हिदायत पाई जाना तेरे आस्तं लाल ऊंट थ्होई जाने शा मता खरा ऐ ।

(बुधारी शरीफ—भाग 1 सफा 413)

हजरत अबू हुर्रा(र) दसदे न जे आं हजरत नें फरमाया, जेह्ङा मनुक्ख कुसै गी चंगे कम्म आस्तं प्रेरदा ऐ उसी उन्ना गी फल थ्होंदा ऐ जिन्ना फल उनें गल्ले पर अमल करने आले गी थ्होंदा ऐ ते उन्दे इस फल चा किश बी घट्ट नेई होंदा । ते जेह्ङा मानु कुसै गी गलत रस्ते पासै ते बुराई आस्तं प्रेरदा ऐ ओबी उन्ना गी दोशी ऐ जिन्ना उस बुराई गी करने आला ऐ, ते उसदे दोशें च कोई कमी नेई ओदी ।

(मुस्लिम—भाग 2 सफा 223)

हजरत अनस(र) व्यान करदे न जे आं हजरत(स) नें फरमाया, लोकें आस्तं सोळां बनाओ उन्दे आस्तं मुश्कलां नेई खडेरो ते उनें गी खुशी आलियां गल्लां सनाओ । उन्दे च निराशा पंदा नेई करो ।

(मुस्लिम शरीफ—भाग 1 सफा 131)

फर्ज ते मनाहियां

हजरत अबी सालवातल खुशनयी जुरसूम सपुत्तर नाशिर(र) दसदे न जे आं हजरत(स) ने आखेआ, अल्लाह ने किश फर्ज निश्चत कीते दे न उन्दे पर

चलो ते विश गल्ले शा ठाके दा ऐ ओमत करो ते विश पाबन्दियां लाई दिया न उन्दे पर
अमल करो । ते किश गल्ले आस्त अल्लाह नै जानिये किश नेई आखेआ (इस करिये नेई
जे उसी चेता नेई रे'आ) इस लेई ने'इयें गल्ले गी चर्चा दा विशेष मत बनाओ ।

(दार कुतनी)

हजरत नोमान सपुत्तर बशीर(र) दसदे न, में आं हजरत(स) गी ए आखदे सुनेआ,
रहाम ते लहाल दे बारें बस्तार कन्ने दस्सेआ मेदा ऐ । इनें दोनें बषकार किश ऐसियां
चीजां न जिन्दे बारें अमूमन लोक नेई जानदे । सिर्फ ओ लोक जेह् डे इन्दे थमां बचदे
रेह न उनें अने धर्म ते अपनी इज्जत गी सांभी लेआ ते जेह् ड़ा मानु इन्दे बारें शवक
च पेई गेआ, होई सकदा ऐ ओ रहाम च जाई फसे जां कोई पाप भरोचा कम्म करी
ओइं । ऐसे मानु दी मसाल उस चरोआलें आंगर ऐ जेह् ड़ा मनाही आली याहूरें दे
आलें-दुआलें अपने डंगर चरांदा ऐ । मुमकन ऐ जे उसदे डंगर इस लाके च जाई
बड़न । हर राजे दा अपना इक सुरक्षित लाका होंदा ऐ जिस च कोई नेई जाई सकदा ।
चेत रक्खो जे अल्लाह दा सुरक्षित लाका उसदी ठाकी दिये चीजें शा । दूर रोहना ऐ ।
ते सुनो, मानु दे शरीरें च इक मासे दा लोथड़ा ऐ, जदू तगर ओ तन्दरुस्त ते ठीक रवं
तां सारा शरीर तन्दरुस्त ते ठीक रोहदा ऐ ते जेल्ले ओ खरान ते मांदा होई जा तां
सारा शरीर कसरी ते लचार होई जन्दा ऐ । खरी चाल्ली चेत रक्खो जे ए मासे दा
लोथड़ा मानु दा दिल ऐ ।

(मुस्लिम शरीफ—भाग 2 सफा 45)

ब्याह्

हजरत अबू हुसैरा(र) दसदे न जे आं हजरत(स) नै आखेआ जे कुसं जनानी कन्ने
ब्याह् करने टे चार गे कारण होई सकदे न । जां उसदे धनें दे कारण, जां उसदे खबदान
दे कारण, जां उसदे रूपवान होने दे कारण, जां उसदे सदाचार दे कारण । पर

तू सदाचारी जनानी गो पैह्ल दे । अल्लाह तेरा भला करे ते तुगी सदाचारी जनानी प्राप्त होऐ ।

(बुखारी शरीफ—भाग 2 सफा 762)

हजरत अबू हुरैरा(र) दसदे न जे आं हजरत(स) ने आखेआ, व्याह् दी सारें शा भेड़ी धाम ओ ऐ जिस च धनवान लोकें गी सहेआ जा ते गरीबें गी भलाई दिता जा । ते जेह्ड़ा व्याह् दी धाम नेईं मन्ने ओ अल्लाह ते उसदे रसूल दी आज्ञा नेईं मनबा ।

(मुस्लिम शरीफ—भाग 1 सफा 645)

ते बुखारी शरीफ भाग 2 सफा 778)

हजरत इब्ने उमर(र) दसदे न जे आ हजरत स) ने आखेआ, हलाल ते ठीक गल्ले चा अल्लाह गी सबनें थमां मती ना-पसन्द गल्ल तलाक ऐ—मतलब ए जे लोड़ें मौकें एदी आज्ञा ते है पर खुदा गी पसन्द नेईं ।

(इब्ने माजा—सफा 145 ते अबू दाऊद—सफा 296)

हजरत आइशा(र) दसदियां न, आं हजरत(स) ने आखेआ, तुन्दे चा भला मानु ओ ऐ जेह्ड़ा अपने परिवार कन्ने नेक सलूक करदा ऐ । में अपने परिवार कन्ने तुन्दे सारें शा मता नेक सलूक करनां ।

(अबू दाऊद)

नैतिकता

हजरत जाबिर(र) दसदे न, आं हजरत(स) ने आखेआ, क्यामत आले रोज तुन्दे च मिगी सबनें शा प्यारे ते सारें शा मते मेरे नेड़ें ओ लोक होइन जेह्ड़े सदाचारी ते नेक होइन । ते तुन्दे चा सबनें थमां मते ना-पसन्द ते मेरे शा मते दूर ओ लोक होइन जो मुंह फटट ते बघाई-चढ़ाईयें गल्लां करने आले ते मुंह फलाई-फलाईयें गल्लां करने आले ते लोकें पर घमंड जतलाने आले न । तुन्दे साथियें आखेआ, हे अल्लाह दे रसूल !

ससखन ते मुतशदिकून दे अर्थ ते अस समझने आं पर मुतफैहिकून दे के अर्थ न ? तूसे दस्सेआ जे घमडी मनुखै ताई ए शब्द बरतेआ जन्दा ऐ ।

(तिमिजी—भाग 2 सफा 22)

हजरत अबू हुरैरा(र) दसदे न जे आ हजरत(स) न आखेआ, मिगी उच्छी नैतिकता गी बनाई रखने आस्त अल्लाह पासेआ भेजेआ गेआ ऐ ।

(अल सुनअन अल कुबरा—भाग 1 सफा 192)

हजरत अबू हुरैरा(र) दसदे न जे आ हजरत(स) न आखेआ जिस मनुखै न कुसं मुसलमान दे ससारिक कष्टे गी दूर कीता अल्लाह कयामत आलै रोज उसदे दुखे गो दूर करग । ते जिसन कुसं दीन-हीन गी सुख दित्ता ते उस ताई सोख पंदा कीती अल्लाह दूए जरमे च ओदे ताई सोखा पंदा करग । जिन्न कुसं मुसलमान दी बुराइयें गी छपेलेआ अल्लाह अगलै जरम उसदिये बुराइयें गी छपेलग । अल्लाह उसदी मदद ताई तयार रौह्दा ऐ जेह्दा अपने घ्रा दी मदद ताई तयार होऐ । जेह्दा मनुख बिद्या दी तलाश च निकलदा ऐ अल्लाह उसदे आस्त सुरग दा रस्ता सोखा करी ओड़दा ऐ ते जेह्दे लोक अल्लाह दे घरे चा कुसं घरे च बेइये अल्लाह दी कताब गी पढ़े न ते उसदे पढ़ने-पढ़ाने च लगे रौह्दे न, अल्लाह उने गी शांति प्रदान करदा ऐ । अल्लाह दी रैह्मत उने गी खट्टी रखदी ऐ, फरिश्ते उने गी घेरी रखदे न । अल्लाह अपने नेड़में लोकें च ओदी गल्ल करदा ऐ जेह्दा मनुख कम करने च आलसी होऐ । उसदा खानदान उसी चूस्त नेई वनाई सकदा । मतलब ए जे परिवारक करनिये दे जोरे ओ सुरग च नेई जाई सकदा ।

(मुस्लिम—भाग 2 सफा 231)

हजरत अबू हुरैरा(र) दसदे न जे आ हजरत(स) न फरमाया जे अल्लाह कयामत दे दिन आखग—हे आदम दे पुत्तर ! मे बमार होया हा तू मेरी बात नि पूछी । इस पर ओ परता देग । तू सारे ज्हाँन दा रब्ब ऐ, तू कसरी कियां होई सकना ऐ ते में तेरी सेवा कियां करदा ? अल्लाह आखग, क्या तुगी पता नेहा लगा जे मेरा फलाना भवत बमार ऐ ते तू ओदी सेवा आस्त नेहा गेआ । क्या तुगी ए समझा नेहा आया जे तू ओदी सेवा करदा तां मिगी ओदं कोल पांदा ते उसदी सेवा मेरी सेवा हुन्दी । हे आदम दे पुत्तर ! में तेरे थमां रुट्टी मंगी ही, तू मिगी रुट्टी नेई ही खलाई । ओ आखग, हे मेरे रब्ब ! तू सारे ज्हाँन दा रब्ब ऐ, तुगी रुट्टी दी लोड़ नेई, में तुगी रुट्टी कियां

खलांदा ? अल्लाह आखग, क्या तुगी पता नेईं जे मेरे भक्त न तेरे शा रुट्टी मंगी ही ते तूँ उसगी रुट्टी नेही खलाई । क्या तुगी ए समझ नेही आई जे जेकर तूँ उसगी रुट्टी खलांदा तां ए मिगी खलाने बरोबर ही । हे आदम दे पुत्तर ! में तेरे शा पानी मंगेआ पर तूँ मिगी पानी नेईं पलाया । ओ आखग, हे मेरे रब्ब ! तूँ सारें दा रब्ब ऐं, वेह् कोला दूर ऐं, में तुगी कियों पानी पलेंदा ? अल्लाह आखग, मेरे फलाने भक्त न तेरे शा पानी मंगेआ हा, तूँ उसी पानी नेहा पलेंया । क्या तुगी ए समझ नेही आई जे जेकर तूँ उसगी पानी पलेंदा तां मिगी पानी पलेंने बरोबर हा ते उसदा फल में तुगी दिन्दा ।

(मुस्लिम शरीफ—भाग 2 सफा 181)

आं हजरत(स) नै फरमाया, जेकर तुस अपने धन कन्ने लोकें दी मदद नेईं करी सकदे तां इन्ना ते करो जे उनें गी हसदे-हसदे ते चगे ढंग नै मिलो ।

(रिसाला कुशरिया—सफा 121)

इस्लामी समाज

हजरत अनस(र) दसदे न, आं हजरत(स) नै आखेआ, कोई उसले तक मोमिन नि होई सकदा जिसले तगर ओ दूए आस्तें बी ऊऐ चीज पसन्द नेईं करे जेहड़ी ओ अपने ताईं पसन्द करदा ऐ । मतलब ए जे जेकर ओ अपने ताईं सुख ते भलाई चाह्दा ऐ तां दूए आस्तें बी इये पसन्द करे ।

(बुखारी शरीफ—भाग 1 सफा 6)

हजरत अबू हुरैरा(र) दसदे न, आं हजरत(स) नै तुसें गी आखेआ, हे अबू हुरैरा, तूँ सच बोला कर, तां तूँ खरा भक्त बनगा ते सदा सन्दोखी बन तां जे चंगा कृतज्ञ बनें । जेहड़ी चीज तूँ अपने आस्तें पसन्द करना ऐं ऊऐ दूए आस्तें बी पसन्द कर, तां तूँ सच्चा मोमिन बनगा । अपने गुआंढी कन्ने खरा बरताऽ कर तां तूँ सच्चा मुसलमान

खुआगा । गड़ाका मारियै नेईं हस्सो कीजे कदे-कदे गड़ाका मारियै हस्सना मोती दा कारण बनदा ऐ ।

(इब्ने माजा—भाग 2 सफा 287)

हजरत अब्दुल्लाह सपुतर सलाम(र) दसदे न जे में आं हजरत(स) गो ए आखदे सुनेआं हे लोको, इक-दूए गो सलाम आखने दा रवाज बनाओ, भुवखें गो रुट्टी खलाओ, सरबन्धियें कन्ने भेल-जोल रक्खो, उस बेल्लै नमाज पढ़ो जेल्लै लोक सुत्ते दे होन । जेकर तुस इयां करगे ओ तां शांति कन्ने सुरगै च जागे ओ ।

(तिमिजी शरीफ—भाग 2 सफा 72)

हजरत इब्ने मसऊद(र) दसदे न जे आं हजरत(स) न आखेआ, जेल्लै तुस त्रै जने किट्ठे होबो तां तुन्दे चा दो जने बक्खरे होइयै फुस-फुस नेईं करन जेल्ले तक दूए लोकें ने नि रली जाओ । इयां त्रिये गो दुख होई सकदा ऐ जे पता नेईं इन्हें केह्डी गल्ल मेरे शा छेनी ऐ ।

(मुस्लिम शरीफ—भाग 2 सफा 13)

हजरत अबू हुरैरा(र) दसदे न, आं हजरत(स) दी आदत ही जेल्लै तुस गो निच्छ आंदी तां अपना हृदय जां टल्ला मुहै अगें रक्खी लैदे ते जित्थों तक होई सकदा निच्छै दी अबाजं गो घोटमे दा जतन करदे ।

(तिमिजी शरीफ—भाग 2 सफा 99)

मानु दे अधिकार

हजरत अबू हुरैरा(र) दसदे न जे आं हजरत(स) नै फरमाया, जेह्ड़ा मनुक्ख लोकें दा अभारी नेईं ओ अल्लाह दा बी अभारी नेईं होँदा ।

(तिमिजी शरीफ—भाग 2 सफा 17)

माता-पिता कन्ने चंगा सलूक

हज़रत अबू हुरैरा(र) दसदे न जे इक मानु आं हज़रत(स) कोल आया ते बेनती कीती जे हे अल्लाह दे रसूल ! लोके चा कु'न मेरे चगे सलूक दा मता हक्कदार ऐ ? तुसे परता दित्ता, तेरी मां उन्ने फी पुच्छेआ, फी कु'न ? तुसे आखेआ, तेरी मां । उ न पुच्छेआ, फी कु'न ? तुसे आखेआ तेरी मां । उन्ने चौथी बारो पुच्छेआ, फी कु'न ? तुसे आखेआ इसदे परैत तेरा पिता तेरे चगे सलूक दा मता हक्कदार ऐ । फी बारी-बारी बाकी सरबन्धी ।

(बुखारी शरीफ—भाग 2 सफा 883)

ते मुस्लिम शरीफ—भाग 2 सफा 171)

हज़रत अबू हुरैरा(र) वर्णन करदे न, आं हज़रत(स) न आखेआ, घाड़ जा उसदी इज्जत, घाड़ जा उसदी इज्जत (ए बोल तुसे त्रै बारी आखे) अर्यास—ऐसा मनुक्ख बेजती जोग ते भागहीना ऐ जेह्ड़ा अपने बूढ़े बाऊ-बब्बे दे होंदे होई, उन्दी सेवा करिये सुरगै च नेई जाई सकेआ ।

(मुस्लिम शरीफ—भाग 2 सफा 173)

गुआंढी दे अधिकार

हज़रत इब्ने उमर(र) ते हज़रत आइशा(र) दसदियां न जे आं हज़रत(स) ने आखेआ, जिब्राईल म्हेशां मिगी गुआंढी कन्ने चंगे बरताऽ दी तकीद करदा आवा दा ऐ । इब्ने तगर जे मिगी ए सोच आई जे गुआंढी गी कुतै बारस गै नि बनाई दित्ता जा ।

(बुखारी शरीफ—भाग 2 सफा 8^६9)

हज़रत अबू हुरैरा(र) वर्णन करदे न जे आं हज़रत(स) न फरमाया, जेह्ड़ा मानु अल्लाह ते कयामत दे दिन पर विश्वास रखदा ऐ, मतलब ए जे सच्चा मोमिन

ऐ, ओ अने गुआंढी गो कष्ट नेईं देऐ। जेह्ड़ा मनुख अल्लाह ते कयामत दे दिन पर विश्वास रखदा ऐ ओ अने परीहनें दा आदर करे। जेह्ड़ा मनुख अल्लाह ते कयामत दे दिन पर विश्वास रखदा ऐ ओ भलाई ते नेकी दी गल्ल करे जां फी चुप्प र'वे।

(बुखारी शरीफ—भाग 2 सफा 889)

हज़रत अबू हुरैरा(र) दसदे न, आं हज़रत(स) न आखेआ, अल्लाह दी सों, ओ मानु मोमिन नेईं। अल्लाह दी सों, ओ मानु मोमिन नेईं। अल्लाह दी सों! ओ मानु मोमिन नेईं। तुन्दे थमां पुच्छेआ गेआ, हे अल्लाह दे रसूल! कुंन मोमिन नेईं ऐ? तुसँ आखेआ, ओ जिसदा गुआंढी उसदिये शरारतें ते उसदे चानक दे हमले कोला सुरक्षित नेईं होऐ।

(बुखारी शरीफ—भाग 2 सफा 889)

कमजोर लोकें ने हमदर्दी

हज़रत अबू हुरैरा(र) दसदे न जे आं हज़रत(स) न आखेआ, किश लोक ऐसे होंदे न जिन्दे बाल खिल्लरे दे होंद न ते मुंह-सिर घट्टे कन्ने भरोचे दा होंदा ऐ। उनें गी भिक्ख देने आस्तें लोकें दे भित्त बी बन्द होई जन्दे न। पर उन्दा अल्लाह कन्ने इन्ना सरबन्ध होंदा ऐ जे जेकर ओ अल्लाह दी कसम चुकिये कोई गल्ल आखन अल्लाह उसी पूरा करदा ऐ।

(मुस्लिम शरीफ—भाग 2 सफा 296)

हज़रत अबू दर्दा(र) दसदे न जे में आं हज़रत(स) गो आखेदे सुनेआं जे मिगी गरीब ते कमजोर लोकें च तुप्पो, की जे उनें कमजोर लोकें दी मेहनत शा गे तुसँ गो मदद मिलदी ऐ।

(तिमिजी शरीफ—भाग 1 सफा 203)

क्षमाशीलता

हजरत मुआज सपुत्तर अनस(र) दसदे न, आं हजरत(स) ने आखेआ, सारें थमां शैल खूबी ए ऐ जे तूं उस कन्ने सरबन्ध बनाई रख ख जेह्ड़ा तेरे कन्ने सरबन्ध त्रोट्टा ऐ ते तूं उस कन्ने चंगा बरताऽ कर जेह्ड़ा तुगी नुवसान पजांदा ऐ ते उसगी माफ कर जेह्ड़ा तुगी गाली दिन्दा ऐ ।

(मुस्तद अहमद—भाग 3 सफा 438)

हजरत अबू हुरैरा(र) दसदे न जे आं हजरत(स) ने फरमाया, दान करने कन्ने कुसे दा धन नेई मुकदा । अल्लाह उसगी इज्जत-मान ते बरकत दिन्दा ऐ जेह्ड़ा इक जालम मनुखे दे अत्याचारें गी माफ करदा ऐ ते जालम कन्ने जुलम दा बरताऽ नेई करदा ।

(मुस्तद अहमद—भाग 2 सफा 235)

खाने-पीने दे निजम

हजरत आइशा (र) दसदियां न जे आं हजरत(स) ने आखेआ, जेल्लै तुन्दे चा कोई छट्टी खान लगे तां पैह्ले अल्लाह दा नां लै । जेकर मुहं च भुल्ली जा तां चेता ओने पर “बिस्मिल्लाहे अब्वलहू व आखिरहू” पढ़ी लै ।

(तिमिजी शरीफ—भाग 2 सफा 80)

हजरत अबू सईद(र) दसदे न जे आं हजरत(स) जेल्लै छट्टी खन्दे जां पानी पीदे तां मगरा ए प्रार्थना करदे, “सारे गुणगान उस अल्लाह ताई न जिन्ने असें गी खलाया-पलाया ते मुसलमान बनाया ।

(तिमिजी शरीफ—भाग 2 सफा 184)

टल्ले

हज़रत हुज़्ज़ा(र) दसदे न जे आं हज़रत(स) नै असैं गी रेशमी टल्ले लाने थमां
रोकेआ ते इस्सं चाल्ली मुन्ने ते चांदी दे भांडें च खाने-पीने दी मनाही कीती ते आखेआ
जे ए चीजां इस संसार च हूए लोके आस्तं न ते कयामत च तुन्दे आस्तं होइन ।

(मुस्लिम शरीफ—भाग 2 सफा 312)

हज़रत अबू सईद खुदरी (र) दसदे न, जिसलें आं हज़रत(स) नमां टल्ला लांदे
तां उसदा नां लैदे, जियां पग, कमीज, चादर । फी तुस प्रार्थना करदे, हे मेरे अल्लाह
सारे गुणगाने दा तुएँ हक्कदार ऐ । तूँ मिगी ए टल्ले लुआये, में तेरे शा इन्हें टल्लें दे
लाभ मंगनां ते इन्दी खैर चाहून्नां ते उसदी बी जिसदे ताईं ए बनाए गे न ते में इन्हें
टल्लें दी किसं चाल्ली दी बुराई शा शरण मंगनां । जेकर कुसै बुराई खातर बी ए बनाए
गे न तां उस शा बी शरण मंगनां ।

(तिर्मिजी शरीफ—भाग 1 सफा 209)

शरीर दी पवित्रता

हज़रत अबू मालिक अशआरी(र) दसदे न जे आं हज़रत(स) नै फरमाया, मुच्चे
ते साफ-सुधरे रोहूना बी अद्वा दा इक शंग ऐ ।

(मुस्लिम शरीफ—भाग 1 सफा 95)

हज़रत आइशा(र) दसदियां न जे आं हज़रत(स) नै फरमाया, दातन करने कन्ने
मूँह, साफ रोहूदा ऐ ते इस करी अल्लाह बी खुश रोहूदा ऐ ।

(निसाई शरीफ—भाग 1 सफा 3)

छल-कपट ते ईर्ष्या

हजरत अब्दुल्लाह सपुत्तर उमर(र) दसदे न जे आ हजरत(स) न आवेआ, इक-दूए गी दिक्खियै जला नेईं करो, बेमतलबा घमंड नेईं करो, इक-दूए कन्ने नफरत नेईं करो, बेखुशी शा कम्म नेईं लैओ, इक-दूए दे सोदे गी नेईं बगाड़ो, अल्लाह दे भक्त ते भ्रा-भ्रा बनी जाओ, मुसलमान आपू-च भाई-भाई न । इक मुसलमान दूए मुसलमान पर अत्याचार नेईं करदा, उसी हीना नेईं समझदा । अपनी छाती बक्खी सारत करांदे होई आवेआ, संयम इत्ये ऐ, (ए शब्द तुसें त्रै बारी आवे) मतलब ए जे समय दा घाहूर मन ऐ । फी तुसें आवेआ, इक आदमी आस्तै इन्नी बुराई बड़ी ऐ जे ओ अपने मुसलमान भाई गी हीना समझै । हर मुसलमाने दियां त्रै चीजां दूए मुसलमाने पर रहाम न—ओदा खून, उसदी इज्जत ते ओदा धन !

(मुस्लिम शरीफ—भाग 2 सफा 178)

हजरत अबू तुरैरा(र) दसदे न जे आं हजरत(स) न आवेआ, ईर्ष्या शा वचो, की जे ईर्ष्या नेकिपे गी इस चाली भस्म करी ओड़दी ऐ जिस चाली अग लकड़ी जां घास गी फूकी टकांदी ऐ ।

(अबू दाऊद —भाग 2 सफा 672)

घमंड

हजरत अब्दुल्लाह सपुत्तर मसऊद(र) दसदे न जे आं हजरत(स) न आवेआ, जिदे मन च खाल-हारा बी घमंड होग अल्लाह उसगी सुरगं च नेईं बड़न देग । इक आदमी नै बिनती कीती, हे अल्लाह दे रसूल ! आदमी चाह्दा ऐ जे उसदे टल्ले शैल होन, उसदा जोड़ा शैल होऐ, ओ खूबसूरत लग्गे । तुसें दस्सेआ जे ए घमंड नेईं । तुसें आवेआ, अल्लाह खूबसूरत ऐ ते ओ छलपे गी पसिन्द करदा ऐ । घमंड असले च ए ऐ जे मानु सचाई कशा इन्कार करे, लोकें गी जलील समझै ते उन्दे कन्ने चंगा बरतास

झूठ बोलना

हजरत अब्दुल्लाह(र) दसदे न जे आं हजरत(स) न आखेआ, तुसें बी सच्च पर चलना लोड़चदा । की जे सच्च नेकी आलै पास लेंदा ऐ ते नेकी सुरग च लेंदी ऐ । मानु सच बोलदा ऐ ते सच बोलने दी कोशश करदा ऐ । इत्थों तक जे ओ अल्फाह कोल बी चच्चा लखोंदा ऐ । तुसें गी झूठे कोला बचना लोड़दा । की जे झूठ बुराइये पास लेंदा ऐ ते बुराइयां नरक पास लेंदियां न । इक मानु झूठ बोलदा ऐ ते झूठे दा आदी होई जन्दा ऐ । इत्थों तक जे अल्लाह कोल बी ओ महा झठा गनोंदा ऐ ।

(मुस्लिम शरीफ—भाग 2 सफा 196)

हजरत अबू बकर(र) दसदे न जे आं हजरत(स) न आखेआ, क्या में तुसें गी सारे शा बड्डे पाप नेईं दस्सां । असें बिनती कोती, जी हजूर ! जहन्नम दस्सो । तुसें आखेआ जे अल्लाह दे मकाबले च कुसे गी खडेरना, माता-पिता दे आखे नेईं लगना । तुस सरंहने दा सहारा लेइये बंठे दे हे, जोश च उटिठये बेई गे ते बड़े जोरै ने आखेआ, दिक्खो, सीया बड्डा पाप झूठ बोलना ऐ । तुसें इस गल्लै गी इन्ने बारी दर्हाया जे अस चाहन लगे तुस चुप होई जाओ ।

(बुखारी शरीफ—भाग 2 सफा 884 ते 1022)

इसलाम दा पतन

हजरत अब्दुल्लाह सपुत्तर उमर(र) दसदे न जे आं हजरत(स) न आखेआ जे मेरी उम्मत, मतलब ए जे मुसलमाने दे टोल्ले पर बी ऐसे हालात ओडन जेहूँ बनी इस्राईल

(यहूदिये) पर आए हे । ए आपूँ-चें इन्ने मिलदे-जुलदे होइन जियां इक पैरा दा जोड़ा दूए पैरा दे जोड़े कन्ने मिलदा ऐ । इत्थों तक जे यहूदिये चा कृसे नें अपनी मां कन्ने भेड़ा सम्बन्ध बनाया होग तां मुसलमानें च बी ऐसा दुराचारी जम्मी पोग । यहूदी 72 दलें च बंडोए हे ते मुसलमान 73 दलें च बंडोई जाइन । पर इन्दे चा इक गी छोड़िये बाकी सारे दल नरक च जांगन । तुन्दे साथिये पुच्छेआ जे सुरग च जाने आला ओ इक दल केहड़ा होग तां तुसे आखेआ, जेहड़ा दल मेरी ते मेरे साथिये दी बत्ता पर चलिये चंगे कम करग ।

(तिर्मिजी शरीफ—भाग 2 सफा 89)

हजरत अली(र)दसदे न जे आं हजरत(स) नें आखेआ, भविष्य च ऐसा समां ओग जे छड़े नां दे अलावा इसलाम दा किश बी बाकी नेई बचना । शब्दें दे सिबा कुरान दा किश बी बाकी नेई रोह ना, अर्थात्—उस पर अमल समाप्त होई जाग । उस बेल्ले मसीतां दिक्खने गी रसदियां-बसदियां लभगन पर हिदायत कोला खाली होइन । उस बेल्ले दे लोकें टे मोलवी-मुल्लां अम्बरें हेठ बस्सने आले लोकें च सारें थमां भंडे होइन । की जे उन्दे चा गे बख्शे उठगन ते फी उन्दे च गे परतोई जाइन । यानि सारे बख्शे दी जड़ उऐ होंगन ।

(मिशकात शरीफ—सफा 38)

ईमाम मेहदी दा प्रकट होना

हजरत अबू हुरैरा(र) दसदे न जे अस आं हजरत(स) दे कोल बंठे दे हे जे तुन्दे पर सुराजुमुअः उतरी ते तुसे पढ़ेआ—

“व आखरीन मिन्हुम लम्मा यल्हःकू बिहम”

यानि किश बाद च ओने आले लोक बी इनें साथिये च शामिल होंगन जेहड़े अजें उन्दे कन्ने नेई मिले । इक आदमी नें पुच्छेआ, हे अल्लाह दे रसूल ! ए केहड़े लोक न जो दर्जा ते ‘सहाबा’ दा रखदे न पर अजें उन्दे च शामिल नेई होए । आ हजरत(स) नें

इस सवाल दा कोई परता नेईं दिता । उस आदमी नै तै बारी ए सवाल दर्हाया । दस्सने आले दसदे न जे हज़रत सलमान फारसी(र) साढ़े बिच बैठे दे हे, आं हज़रत(स) नै अपना हथ उन्दे मूँढे पर रखेआ ते आखेआ, जेकर ईमान सुरख्या तारे पर बी पृज्जी जाग—मतलब धरती परा उठी गेआ तां इन्हें लोके चा किश लोक उसी परताई आनडन । (आखरीन' दा मतलब ऐ फारिस दे लोग, जिन्दे च मसीह मौऊद होंगन ते उन्दे पर ईमान आनने आले 'सहाबा' दा दर्जा पांगन) ।

बुखारी शरीफ—सफा 727 ते मुस्लिम शरीफ—सफा 170)

हज़रत अबू हुरैरा(र) दसदे न जे आं हज़रत नै आखेआ, कसम ऐ उस पवित्र सत्ता दी जिसदे हथ मेरी जान ऐ । तौले गै तुन्दे च इब्ने मरियम यानि हज़रत मसीह दे सरूप प्रकट होंगन । ओ ठीक निरणा लैने आले होंगन, न्यां करने आले होंगन । ओ सूनी गी त्रोड़डन ते सूरै गी मारी ओड़डन ते लड़ाई गी समाप्त करी ओड़डन । अर्थात धार्मिक लड़ाइयां मुक्की जांगन । इस चाली ओ अध्यात्मक धन बी बडगन पर कोई उसी कबूलने आला नेईं होग । गेसे समे च अल्लाह गी सिजदा करना दुनियां ते दुनियां दी सब चीजें शा खरा होग । अर्थात सरमायादारी दे बधने-फुल्लने दा जमाना होग । ए गल्ल सनांदे होई अबू हुरैरा(र) आखदे न जेकर तुस चाहो तां ए आयत पढ़ियै इसगी समझी सकदे ओ—

व इन् मिन् अहलिल किताबे इल्ला लयोमिनन्ना

बिही काबला मौऊतेही व यौमल

कयामते यकूनो अलैहिम शहीदन्

अर्थात यहूदिये ते ईसाइये बिचा इक बी ऐसा नेईं जो अपनी मोती शा पँहलें इस पर ईमाड आनदा होऐ ते ओ कयामत आलें रोज उस पर गवाह होग ।

(बुखारी शरीफ - बाव नुजूलै ईसा बिन मर्यम—भाग 1 सफा 490)

आं हज़रत(स) आखदे न जे चेतै र'ब' जे मसीह मौऊद ते मेरे बश्कार कोई नबी नेईं । चेतै रखो जे मेरे मगरा मेरे मन्नने आलें च ओ मेरा खलीफा होग । हां, ओ फ्राईस्ट दे मुखालफें गी मारग, सलीब गी फीता-फीता करी ओड़ग, टैक्स खतम करी

ओड़ग। की जे धामक लड़ाइयें दा जुग मुक्की जाग ते मुखे दिये लड़ाइयें दे ढग बदली जांगन। चेतै रक्खो जे जेह्ड़ा बी कोई मसीह मौऊद कन्ने मिलने दा भाग पा ओ मेरा सलाम उनें गी जरूर देऐ।

(तिरारानी अल औसत वस्सगोर)

हजरत अनस(र) ब्यान करदे न जे आं हजरत नै फरमाया, जिस कुसै गी मसीह मौऊद कन्ने मिलना नसोब होऐ ओ मेरे पासेआ उनें गी मेरा सलाम देई ओड़ै।

(दुरै मनसूर—भाग 2 सफा 435)

हजरत सौबान(र) दसदे न आं हजरत(म) नै आखेआ, जेल्लै तुमै गी महदी लब्बे तां उसी अपनी श्रद्धा अर्पण करो। भाएँ तुसे गी बर्फ दे ढेरें परा लंबियें उस कोल जाना पवें तां जाओ। की जे ओ अल्लाह दा खलीफा इमाम महदी ऐ।

(इब्ने माजा)

हजरत अबू हुरैरा(र) दसदे न जे आं हजरत(स) नै आखेआ, तुन्दी दशा ऐसी नाजक होग जेल्लै इब्ने मरियम प्रकट होग। जेह्ड़ा तुन्दा इमाम होग ते तुन्दे बिच्चा होग। ते इक रिवायत च आखेआ गेदा ऐ जे तुन्दे बिच्चा होने दे कारण ओ तन्दी इमामत दे फरजें गी पूरा करग।

(बुखारी शरीफ—सफा 490)

हजरत मुहम्मद सपुत्तर हजरत अली(र) नै आखेआ, भविष्यवाणी दे मताबक साढ़े महब्बी दी सचाई दियां दो नशानियां ऐसियां न जे जदू थमां धरती ते अम्बर पैदा होऐ दे न कुसै बी सचाई आस्तै इस चाली प्रकट नेई होऐ। पैह्ला ए जे ओह्दे प्रकट होने पर रमज़ान दे महीने च चन्नै दे ग्रहण दी तरीकें चा तैहली तरीक, यानि 13 रमज़ान गी चन्नै गी ग्रहण लगग ते सूरज ग्रहण दी तरीकें चा बश्कारली तरीक, यानि 28 रमज़ान गी सूरज ग्रहण लगग। ते ए दो नशानियां इस रूप च पैहलें कदें नेई 'प्रकटियां'।

(दार कृतनी—भाग 1 सफा 188)

हज्जतुलविदा दा व्याख्यान

हज्जरत मुलेमान सपुतर अमर सपुतर अहबस(र) दसदे न जे मेरे पिता जी ने मिगी दस्सेआ जे ओ 'हज्जतुल विदा दे' मौके पर आं हज्जरत(स) दे कन्ने हे । इस मौके पर आं हज्जरत(स) ने अल्लाह दा गुणगान कीता ते उसदी बड़आई दस्सी ते उपदेश दिन्दे होंई आखेआ, तूस लोक जानदे ओ जे ए केहूँडा शुभ दिन ऐ जिसदी मानता में वर्णन करन लगां । (ए शब्द तूसे त्रै वारी आखे) तोकें निवेदन कीता जे हज्जर ए दिन 'हज्जे अक्बर (बड़्डे हज्ज) दा दिन ऐ । इस पर तूसे आखेआ, बशक्क जियां अज्जे दा दिन शुभ ऐ ते ए म्हीन्ना पविस्तर ऐ ते ए नग़र पुनै आला ऐ इसै चाली अल्लाह नै हर प्राणी दे प्राण ते ओहूँदी धन-दौलत गो पविस्तर आखे दा ऐ । कुसं मानु दी जान लैनी जां ओहूँदी मान-मर्जादा गो नवसान पजाना इन्ना गे भंडा कम्म ऐ जिन्ना इस नग़र दा ते इस शुभ दिन दा अपमान करना ऐ । चेत रक्खो, जेहूँडा अपराध करग उसदी सजा उससे अपराधी गो थहोग । कुसं पुतर गी उसदे बब्बे दे अपराध दी सजा नेई थहोग ते ना गै कुसं पिता गो उसदे पुतर दे कुसं कसूर दी सजा दिक्ती जाग । कन्न खो'ल्लयें सुनी लैओ ! कुसं मुसलमान गो अपने मुसलमान भाई दी कोई चीज उसदी आज्ञा बगैर लैनी ल्हाल नेई । एबी गल्ल कन्न खो'ल्लयें सुनी लैओ जे मेरे आने शा पैह्लें जेहूँडे बपार सूदे पर कीते जा करदे हे में उनें गो बन्द करनां । सिर्फ असल रकम लैने दी आज्ञा ऐ ते ऊऐ धन ल्हाल ऐ । इस चाली ना ते तूस कुसं पर अत्याचार करगे ओ ते ना तुन्दे पर किसे चाली दा अत्याचार कीता जाग । ते अब्दुल मुत्तलिब दे सपुतर अब्बास दे सूदे दा घन माफ करी दिक्ता गेआ ऐ । इसै चाली मेरे आने शा पैह्लें जेहूँडे खून कीते गे न उन्दा हुन कोई ददला नेई लैता जाग ते पैहूँखा खून जिसी अस छोड़े करने आं ओ हारिस सपुतर अब्दुल मुत्तलिब दा ऐ । हारिज बनू लैस दे खानदान च दुद्ध पीदा हा ते हुजैल नां दे आदमी नै उसदा कतल करी ओड़ेआ हा । ध्यानै ने सुनो ! तूस जनानिये कन्ने चंगा सलूक करो । तूस इनें जनानिये दे मालक नेई ओ, ओ तुन्दे कोल कंदिये आंगर न । जेकर ओ जनानियां अपना जीवन पविस्तर रे'इयें नेई बतांदियां सगोआं खु'ल्ले-आम भंडे कम्म करन ते तुन्दा हुकम नेई मन्नन तां तूस उनें गो उन्दे बिस्तरें च इक्कले

रोहून देओ ते उनें गी लोड़े मोकं शरीरक सजा बी देई सकदे ओ, पर सजा च क्रूरता
 ते सखती नेईं होऐ। फी जेकर ओ हुकम मन्नन लगी पौन तां फी उनें गी दुख देने
 दा कोई साधन तुप्पने दा जतन नेईं करो। एबी जानी लैओ जे बशक्क तुन्दे किश
 अधिकार तुन्दी अपनी लाड़िये पर न ते इस्सै चाल्ली तुन्दी लाड़िये दे किश अधिकार
 तुन्दे पर न। उन्दे पर तुन्दा अधिकार ए ऐ जे ओ अपना जीवन खरी चाल्ली गजारन
 ते ऐसे लोकें गी तुन्दे बिस्तरे पर नेईं आन देन जिनें गी तुस बुरा मिथदे ओ कल्कि ऐसे
 लोकें गी घरें अन्दर बड़ने दी आज्ञा गे नेईं देन ते समझी लैओ जनानिये दा अधिकार
 तुन्दे पर ए ऐ जे तुस उन्दे खाने-नाने दा शैल प्रबन्ध करो।

(तिर्मिजो शरीफ)

— —

**In this book some selected sayings
of the**

Holy Prophet

**HAZRAT MOHAMMAD
(Peace be on him)**

have been translated

**This translation has been done
by**

Ashwani Magotra

under the supervision of

Abdul Rashid Zia (H. A.)

I/c Ahmadiyya Muslim Mission, Jammu

in the first part of the

of the

Holy Prophet

MAHATMA GANDHI

(1869-1948)

How you should

The second part of the

by

Author's name

under the name of

Author's name (H. G.)

in the second part of the

